

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«11» մարտի 2022 թվական

N 251- Ա

ք.Ստեփանակերտ

ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՋԵՐՄԱՏՆԱՅԻՆ ՏՆՏԵՍՈՒԹՅՈՒՆՆԵՐԻ ՋԱՐԳԱՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով Արցախի Հանրապետության Նախագահի 2017 թվականի սեպտեմբերի 25-ի ՆՀ-108-Ն հրամանագրով սահմանված կարգի 3-րդ կետով՝ Արցախի Հանրապետության կառավարությունը **ո ր ո շ ու մ է.**

1. Հաստատել Արցախի Հանրապետությունում ջերմատնային տնտեսությունների զարգացման ծրագիրը (այսուհետ՝ Ծրագիր)՝ համաձայն հավելվածի:

2. Սույն որոշումն ուժի մեջ է մտնում հաստատման պահից, իսկ դրա գործողությունը տարածվում է 2022 թվականի հունվարի 1-ից ծագած հարաբերությունների վրա:

«Հաստատում են»

**ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ**

Ա.ՀԱՐՈՒԹՅՈՒՆՅԱՆ

Հավելված

Արցախի Հանրապետության կառավարության
2022 թվականի մարտի 11-ի
N 251-Ա որոշման

ԾՐԱԳԻՐ
ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ԶԵՐՄԱՏՆԱՅԻՆ
ՏՆՏԵՍՈՒԹՅՈՒՆՆԵՐԻ ԶԱՐԳԱՑՄԱՆ

ՍՏԵՓԱՆԱԿԵՐՏ 2022 ԹՎԱԿԱՆ

ԲՈՎԱՆԴԱԿՈՒԹՅՈՒՆ

- 1. ՆԵՐԱԾՈՒԹՅՈՒՆԸ**
- 2. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ**
- 3. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ**
- 4. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

1. ՆԵՐԱԾՈՒԹՅՈՒՆԸ

1. Գյուղատնտեսությունը երկրի պարենային ապահովության և անվտանգության ապահովման գլխավոր ոլորտն է և ընդհանուր ռազմավարության մեջ այն ունի առանցքային դեր: Ագրարային ոլորտի պետական քաղաքականության առանցքային ուղղություններից է առկա ռեսուրսային ներուժի առավել արդյունավետ օգտագործման համար պայմանների ստեղծումը: Այս առումով մեր հանրապետության բնատնտեսական պայմաններում հիմնավորված է համարվում ջերմատնային տնտեսությունների զարգացումը:

2. Ամբողջ տարվա ընթացքում թարմ և որակյալ բանջարեղենով շուկան ապահովելու համար օգտագործվում են ջերմատնային տնտեսությունները: Դրանք բույսերի մշակության համար կառուցված արհեստական համակարգեր են, որոնք պաշտպանում են բույսերը կլիմայական պայմանների կտրուկ փոփոխություններից, հիվանդություններից ու վնասատուներից՝ ապահովելով բարձր բերքատվություն:

3. Ծրագիրը նպատակ է հետապնդում խթանել ջերմատների կառուցումը, ինչը հնարավորություն կտա բարձրացնել ջերմատնային տնտեսությունների արտադրանքի մրցունակության մակարդակը, նպաստել գյուղատնտեսությունում տնտեսվարողների եկամուտների ավելացմանը:

4. Ծրագրում օգտագործվող հիմնական հասկացություններն են՝

1) ջերմատնային տնտեսություն՝ գյուղատնտեսական մշակաբույսերի աճեցման համար նախատեսված՝ արտադրական համապատասխան գործիքներով հագեցված, ջեռուցվող կամ ջեռուցվող, լուսաթափանց ծածկոցով արդյունաբերական, պաշտպանական կառույց:

2) ժամանակակից տեխնոլոգիաներ՝ ջեռուցման, հովացման և խոնավացման, ոռոգման և սնուցման, լուսավորության և օդափոխության լիարժեք ավտոմատացված վերահսկողությամբ կառավարման համակարգեր, որոնք տեղադրված են ջերմատնային տնտեսության ներքին և(կամ) արտաքին հատվածներում:

3) ջեռուցվող ջերմատնային տնտեսություն՝ էլեկտրականությամբ, և (կամ) գազով, և (կամ) հեղուկ, և (կամ) պինդ վառելիքով նախատեսված ջեռուցման համակարգ (որը ներառում է ջեռուցման կաթսա և(կամ) ջերմափոխանակիչ՝ օդի տաքացման համար նախատեսված սարք) ունեցող ջերմատնային տնտեսություն:

5. Ծրագրով ներկայացվում են Արցախի Հանրապետությունում ջերմատնային տնտեսությունների տարածքների ավելացման խթանմանն ու արդիականացմանն ուղղված իրականացվելիք միջոցառումները և ակնկալվող արդյունքները:

2. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

6. Գյուղատնտեսական որոշ մշակաբույսերի տեղական արտադրության ծավալներն ապահովում են ինքնաբավության ցածր մակարդակ և առաջնահերթ խնդիրը դրանց արտադրության ծավալների ավելացումն ու ինքնաբավության մակարդակի հետագա բարձրացումն է, ինչպես նաև բնակչության թարմ բանջարեղենի պահանջարկի ապահովումը տարվա այն եղանակին, երբ դաշտային պայմաններում դա հնարավոր չէ:

7. Ծրագրի հիմնական նպատակն է պետական աջակցության միջոցով ավելացնել ջերմատնային տնտեսությունների մակերեսներն ու արտադրանքի արտադրության ծավալները, բարձրացնել արտադրված արտադրանքի մրցունակության մակարդակը, նպաստել գյուղատնտեսությունում տնտեսավարողների եկամուտների ավելացմանը:

8. Նշված նպատակին հասնելու համար անհրաժեշտ է լուծել հետևյալ խնդիրները՝

- 1) ջերմատնային տնտեսությունների կառուցման համար անհրաժեշտ ներդրումների ներգրավում և կառուցման ծախսերի փոխհատուցման մեխանիզմների առաջադրում,
- 2) Ծրագրի իրականացման հնարավոր ռիսկերի գնահատում և դրանց մեղմանն ուղղված միջոցառումների մշակում,
- 3) ջերմատնային տնտեսությունների ժամանակակից տեխնոլոգիական լուծումներով չափորոշիչների առաջադրում,
- 4) ջերմատնային տնտեսությունների և դրանց տեխնոլոգիական ապահովման մատչելի տարբերակների առաջադրում:

3. ԾՐԱԳՐԻ ԻՐԱԿԱՆԱՑՄԱՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

9. Արցախի Հանրապետության գյուղատնտեսության նախարարությունը (այսուհետ՝ Նախարարություն) համակարգում և վերահսկում է Ծրագրով նախատեսված միջոցառումների իրականացման գործընթացը:

10. Ծրագրի շրջանակներում նախատեսվում է իրականացնել հետևյալ միջոցառումները՝

- 1) **ջերմատնային տնտեսությամբ զբաղվող անձանց անհատույց ֆինանսական միջոցների տրամադրում,**
- 2) **նոր ջերմատնային տնտեսության կառուցման դիմաց անհատույց ֆինանսական միջոցների տրամադրում,**
- 3) **ջերմատնային տնտեսությունում կարկտապաշտպան ցանցի տեղադրման դիմաց անհատույց ֆինանսական միջոցների տրամադրում:**

11. Ստեփանակերտ քաղաքում ջերմատնային տնտեսություններով զբաղվող անձինք Ծրագրի 12-րդ կետով սահմանված միջոցառման շրջանակներում հայտերը ներկայացնում են Նախարարություն, նոր ջերմատնային տնտեսություն կառուցած անձինք Ծրագրի 13-րդ կետով սահմանված միջոցառման շրջանակներում հայտերը ներկայացնում են Նախարարություն՝ համաձայն ձևի, ջերմատնային տնտեսություններում կարկտապաշտպան ցանց տեղադրած անձինք Ծրագրի 14-րդ կետով սահմանված միջոցառման շրջանակներում հայտերը ներկայացնում են տեղական ինքնակառավարման մարմիններ (Ստեփանակերտ քաղաքում՝ Նախարարություն): Հայտերի հետ միաժամանակ հոդօգտագործողները տեղական ինքնակառավարման մարմիններ (Ստեփանակերտ քաղաքում՝ Նախարարություն) են ներկայացնում համայնքների վարչական սահմաններում գտնվող համապատասխան տարածքների նկատմամբ սեփականության, և (կամ) վարձակալության, և (կամ) անհատույց օգտագործման իրավունքի պետական գրանցման վկայականների (այսուհետ՝ Վկայական) և անձնագրերի պատճենները: Տեղական ինքնակառավարման մարմիններն ընդհանրացնում և շրջանների վարչակազմեր են ներկայացնում իրենց կողմից հաստատված տեղեկանք

(տեղեկանքը ստորագրում է նաև համապատասխան շրջանի համայնքը սպասարկող գյուղատնտեսը)՝ նշելով հողօգտագործողի ազգանունը, անունը, հայրանունը, անձնագրային տվյալները, Վկայականի համարը և մշակության համար նախատեսված տարածքների մակերեսները՝ կցելով նաև հայտերի, վկայականների պատճենները: Համայնքների վարչական սահմաններից դուրս գտնվող պետական սեփականություն համարվող տարածքների վարձակալները հայտերը և կից փաստաթղթերը ներկայացնում են համապատասխան շրջանի վարչակազմ:

12. Զերմատնային տնտեսությամբ զբաղվող անձանց անհատույց ֆինանսական միջոցների տրամադրում՝

1) Արցախի Հանրապետությունում սեփականության, և (կամ) վարձակալության, և (կամ) անհատույց օգտագործման իրավունքով հատկացված հողատարածքներում շահագործվող ջերմատնային տնտեսություններով զբաղվող անձանց անհատույց տրամադրվում է՝

ա. ջեռուցվող ջերմատնային տնտեսությամբ զբաղվողներին՝ 1 հեկտարի դիմաց 6 000 000 ՀՀ դրամ (1 քառակուսի մետրի դիմաց՝ 600 ՀՀ դրամ),

բ. չջեռուցվող ջերմատնային տնտեսությամբ զբաղվողներին՝ 1 հեկտարի դիմաց 3 000 000 ՀՀ դրամ (1 քառակուսի մետրի դիմաց՝ 300 ՀՀ դրամ)։

2) սույն միջոցառումից օգտվելու համար պարտադիր պայման է հանդիսանում մեկ ամբողջական ջերմատնային տնտեսության մակերեսը ոչ պակաս, քան 100 քառակուսի մետր լինելը։

3) Նախարարությունը՝ սույն միջոցառման շրջանակներում Ստեփանակերտ քաղաքում ջերմատնային տնտեսություններով զբաղվող հողօգտագործողների հայտերը, իսկ Արցախի Հանրապետության շրջանների վարչակազմերը շրջաններում ջերմատնային տնտեսություններով զբաղվող անձանց վերաբերյալ տեղեկությունները՝ համաձայն N 1 աղյուսակի, ընդունում է մինչև յուրաքանչյուր տարվա մարտի 1-ը:

13. Նոր ջերմատնային տնտեսություն կառուցած անձանց անհատույց ֆինանսական միջոցների տրամադրում՝

1) Արցախի Հանրապետությունում սեփականության և (կամ) վարձակալության և (կամ) անհատույց օգտագործման իրավունքով հատկացված հողատարածքներում նոր ջերմատնային տնտեսության կառուցման դիմաց անհատույց տրամադրվում է՝

ա. առանց ժամանակակից տեխնոլոգիաների կիրառմամբ ջերմատնային տնտեսության կառուցման դեպքում՝ 1 քառակուսի մետրի դիմաց 8 000 ՀՀ դրամ,

բ. ժամանակակից տեխնոլոգիաներով հագեցված ջերմատնային տնտեսության կառուցման դեպքում՝ 1 քառակուսի մետրի դիմաց 22 000 ՀՀ դրամ։

2) սույն միջոցառումից օգտվելու համար պարտադիր պայմաններ են հանդիսանում՝

ա. կառուցվող ջերմատնային տնտեսության կոնստրուկցիայի մետաղական լինելը, ծածկը ապակի, և(կամ) պոլիկարբոնատ, և(կամ) պոլիէթիլենային թաղանթ (պոլիէթիլենային թաղանթի հաստությունը առնվազն 150 միկրոն) լինելը, կողային հենասյուների բարձրությունը 2 մետրից ոչ պակաս, իսկ կենտրոնական բարձրությունը՝ 4,5 մետրից ոչ պակաս լինելը,

բ. առանց ժամանակակից տեխնոլոգիաների կիրառմամբ ջերմատնային տնտեսության կառուցման դեպքում՝ նվազագույնը 100 քառակուսի մետր (մեկ ամբողջական տարածքով) մակերեսով ջերմատնային տնտեսության կառուցումը,

գ. ժամանակակից տեխնոլոգիաների կիրառմամբ ջերմատնային տնտեսության կառուցման դեպքում՝ նվազագույնը 500 քառակուսի մետր (մեկ ամբողջական տարածքով) և ավելի ընդհանուր մակերեսը.

3) Նախարարությունը սույն միջոցառման շրջանակներում նոր ջերմատնային տնտեսություն կառուցած անձանց հայտերն ընդունում է մինչև յուրաքանչյուր տարվա նոյեմբերի 1-ը.

4) Սույն միջոցառման շրջանակներում նոր ջերմատնային տնտեսություն կառուցած անձինք երեք տարի ջերմատնային տնտեսությամբ չզբաղվելու դեպքում՝ սույն կետով սահմանված ժամկետի չօգտագործված մասին համաչափ տրամադրված ֆինանսական միջոցները ենթակա են վերադարձման Արցախի Հանրապետության պետական բյուջե՝ խախտումը հայտաբերելուց հետո երեք ամսվա ընթացքում, իսկ անբարեխիղճ հայտատուն միջոցառման չիրականացված ժամկետին համապատասխան զրկվում է Նախարարության կողմից իրականացվող որևէ պետական աջակցության ծրագրի մասնակցելու իրավունքից:

14. Ջերմատնային տնտեսությունում կարկտապաշտպան ցանցի տեղադրման դիմաց անհատույց ֆինանսական միջոցների տրամադրում՝

1) ջերմատնային տնտեսություններում կարկտապաշտպան ցանց տեղադրած անձանց անհատույց տրամադրվում է՝ 1 քառակուսի մետրի դիմաց 250 ՀՀ դրամ.

2) Նախարարությունը՝ սույն միջոցառման շրջանակներում Ստեփանակերտ քաղաքում ջերմատնային տնտեսություններում կարկտապաշտպան ցանց տեղադրած անձանց հայտերը, իսկ Արցախի Հանրապետության շրջանների վարչակազմերը՝ շրջաններում ջերմատնային տնտեսություններում կարկտապաշտպան ցանց տեղադրած անձանց վերաբերյալ տեղեկությունները՝ համաձայն N 2 աղյուսակի, ընդունում է մինչև յուրաքանչյուր տարվա նոյեմբերի 1-ը:

15. Ծրագրով սահմանված միջոցառումների շրջանակներում անհատույց ֆինանսական միջոցների տրամադրման գործընթացն ապահովելու նպատակով Արցախի Հանրապետության գյուղատնտեսության նախարարի հրամանով ստեղծվում են հանձնաժողովներ՝ Նախարարության և համապատասխան շրջանների վարչակազմերի ներկայացուցիչների ընդգրկմամբ:

16. Հանձնաժողովները, Ծրագրի 12-րդ կետի 3-րդ, և (կամ) 13-րդ կետի 3-րդ, և (կամ) 14-րդ կետի 2-րդ ենթակետերով սահմանված՝ տեղեկությունների ներկայացման պահից հետո երեսնօրյա ժամկետում ուսումնասիրում են ներկայացված փաստաթղթերը, ստուգում դրանց ճշտությունը, ընդհանրացնում և Արցախի Հանրապետության գյուղի և գյուղատնտեսության աջակցության հիմնադրամ (այսուհետ՝ հիմնադրամ) ներկայացնում դրական եզրակացություն ստացած անձանց ցանկը՝ նշելով վերջիններիս տվյալները, անհատույց ֆինանսական միջոցների տրամադրման չափը՝ պետական աջակցության տրամադրման նպատակով պայմանագրերի կնքման համար:

17. Հիմնադրամը՝ Ծրագրի 16-րդ կետում նշված տեղեկությունները ստանալուց հետո տասնհինգօրյա ժամկետում կազմակերպում է համապատասխան պայմանագրերի կնքման գործընթացը՝ արդյունքներն ուղարկելով Նախարարություն՝ պետական աջակցության տրամադրումն ապահովելու նպատակով:

18. Ծրագրի ֆինանսավորումն իրականացվում է յուրաքանչյուր տարվա պետական բյուջեով այդ նպատակով նախատեսված համապատասխան միջոցներից:

4.ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

19. Ծրագրի իրականացումից ակնկալվող արդյունքներն են՝

1) գյուղատնտեսական մշակաբույսերի բերքատվության և ստացվող բերքի որակի բարձրացում,

2) կարկտապաշտպան ցանցերի տեղադրման դեպքում՝ ջերմատան և ակնկալվող բերքի ապահովագրում,

3) ջերմատնային տնտեսություններով զբաղվող տնտեսվարող սուբյեկտների եկամուտների ավելացում, մրցունակության մակարդակի բարձրացում:

Ձև
Արցախի Հանրապետության
գյուղատնտեսության նախարարություն

Հ Ա Յ Տ

Դիմող՝

_____ (Ֆիզիկական կամ իրավաբանական անձի ազգանունը, անունը, հայրանունը (անվանումը))
Բնակության վայրը (գտնվելու վայրը) և հեռախոսահամարը _____

Անձնագրի և հանրային ծառայությունների համարանիշի կամ սոցիալական քարտի համարները _____
Պետական գրանցման վկայականի համարը _____

Գործունեության իրականացման վայրը _____

Կառուցել եմ _____ քառակուսի մետր մակերեսով (առանց ժամանակակից տեխնոլոգիաներով և/կամ ժամանակակից տեխնոլոգիաներով հագեցված) ջերմատնային տնտեսություն

Հայտին կից ներկայացվում են՝

- Ֆիզիկական անձի անձնագրի և հանրային ծառայությունների համարանիշի կամ սոցիալական քարտի պատճենները
- Իրավաբանական անձի պետական գրանցման վկայականի պատճենը
- Գործունեության իրականացման վայրի նկատմամբ իրավունքը (թույլտվություն) հաստատող փաստաթղթի պատճենը (առկայության դեպքում)

Ներկայացված փաստաթղթերը ենթակա չեն վերադարձման:

Լրացուցիչ տեղեկություններ

_____ (ազգանունը, անունը)

_____ (ստորագրություն)

« ____ » _____ 20 __ թ.

Աղյուսակ N 1

Արցախի Հանրապետությունում ջերմատնային տնտեսությամբ զբաղվող անձանց վերաբերյալ

Հ/Հ	Համայնքը	Ազգանունը, անունը, հայրանունը	Անձնագրային տվյալները	Ընդհանուր մակերեսը (քառ.մետր)	
				ջեռուցվող	չջեռուցվող
1					
2					
3					
...					
Ընդամենը՝ շրջանում					

Աղյուսակ N 2

Արցախի Հանրապետությունում ջերմատնային տնտեսությունում կարկտապաշտպան ցանց տեղադրած անձանց վերաբերյալ

Հ/Հ	Համայնքը	Ազգանունը, անունը, հայրանունը	Անձնագրային տվյալները	Տարածքը (քառ.մետր)
1				
2				
3				
...				
Ընդամենը՝ շրջանում				

ԱՐՑԱՒԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ

Ա. ԼԱԶԱՐՅԱՆ